



Broj: 04-05-6788/18
Cazin, 10.05.2018. godine

Na osnovu člana 132. stav (11) Zakona o prostornom uređenju i građenju USK – prečišćeni tekst («Službeni glasnik Unsko-sanskog kantona», broj: 12/13 i 3/16), Služba za urbanizam i zaštitu okoliša Grada Cazina, o b j a v l j u j e

J A V N I P O Z I V

stručnim licima za prijavu i podnošenje dokaza da ispunjavaju uslove za učešće u komisiji za tehnički pregled građevina iz nadležnosti gradskog organa uprave na području Grada Cazina

1.

Pozivaju se stručna lica slijedećih struka:

- arhitektonske
- građevinske
- elektrotehničke
- saobraćajne
- mašinske
- zaštita od požara i eksplozija,

zainteresirana za učešće u komisijama za tehnički pregled građevina, iz nadležnosti gradskog organa uprave na području Grada Cazina da se prijave po ovom Javnom pozivu.

2.

Učešće u radu komisije za tehnički pregled građevina mogu ostvariti stručna lica koja ispunjavaju uslove iz člana 132. stav (2) Zakona o prostornom uređenju i građenju USK («Službeni glasnik Unsko-sanskog kantona», broj: 12/13 i 3/16), tj. da su diplomirani inženjeri odgovarajućih struka iz člana 1. ovog Javnog poziva, sa 5 (pet) godina radnog iskustva u struci, i položenim stručnim ispitom.

3.

Uz pisanu prijavu, zainteresirani su dužni dostaviti dokaze o ispunjavanju uslova iz tačke 2. ovog Javnog poziva, i to:

- ovjerena kopija diplome,
- ovjerena kopija uvjerenja o položenom stručnom ispitu,
- potvrda o radnom iskustvu u struci,
- kopija lične karte,
- naziv banke i broj ličnog transakcijskog broja.

4.

Pisane prijave sa dokazima iz tačke 3. ovog Javnog poziva, dostaviti u zatvorenoj koverti sa naznakom «Podnošenje dokaza za ispunjavanje uslova za učešće u komisijama za tehnički pregled građevina», u roku od 30 (trideset) dana od dana objavljivanja ovog Javnog poziva u dnevnom listu „Oslobođenje“, neposredno u Centar za pružanje usluga građanima Grada Cazina ili putem preporučene pošte na adresu:

GRAD CAZIN, SLUŽBA ZA URBANIZAM I ZAŠTITU OKOLIŠA
TRG PRVOG PREDSEDNIKA PREDSEDNIŠTVA R BIH ALIJE
IZETBEGOVIĆA 1
77220 CAZIN

2

5.

Nepotpune i neblagovremene prijave neće se razmatrati.

6.

Svi podnosioci prijave će biti, nakon pregleda dostavljenih prijava i dokaza, pismeno obavješteni o tome da li zadovoljavaju Zakonom propisane uslove za učešće u komisijama za tehnički pregled građevina, tj. da li su uvršteni na spisak stručnih lica za učešće u komisiji za tehnički pregled građevina iz nadležnosti gradskog organa uprave na području Grada Cazina.

7.

Po ovom javnom pozivu obavezni su se prijaviti i stručna lica koja su po ranijim javnim pozivima uvršteni na spisak stručnih lica za učešće u komisijama za tehnički pregled građevina, dostavljanjem pisane prijave sa osnovnim podacima, bez dokumentacije iz tačke 3. ovog Javnog poziva.

ŠEF SLUŽBE

Mr. Galijašević Sabahudin, dipl.ing.građ.